

摘藻堂四庫全書薈要

集部

欽定四庫全書薈要卷二萬七百七十九

集部

御選歷代詩餘卷一百一

詞人姓氏

唐

昭宗諱傑懿宗第七子即位後改名敏

沈佺期字雲卿相州內黃人上元中舉進士長安中累遷通事舍人除給事中考功郎坐贓配流嶺表神龍中授起居郎加修文館直學士侍宴爲迴波詞悅帝因賜

牙緋尋爲太子詹事開元初卒善屬文尤長七言與宋  
之問齊名有集十卷

李景伯邢州相仁人懷遠之子景龍中爲諫議大夫景  
雲中進太子庶子終右散騎常侍

張說字道濟一字說之其先自范陽徙河南遂爲洛陽  
人永昌中對策賢良方正第一授校書郎遷左補闕中  
宗朝累遷至兵部侍郎兼修文館學士睿宗即位擢中  
書侍郎進同中書門下平章事監修國史開元初進中

書令封燕國公出爲幽州都督召拜兵部尚書同中書  
門下三品進尚書右丞相兼中書令遷左丞相授開府  
儀同三司卒諡文貞有集二十卷明皇使就家錄其文  
行於世

李白字太白涼武昭王九世孫其先隴西成紀人後徙  
居蜀天寶初游長安賀知章見其文言於明皇召見金  
鑾殿奏頌一篇命供奉翰林懇求還山賜金放歸後坐  
永王璘事流夜郎會赦還代宗立以左拾遺召已卒其



所製清平調菩薩蠻諸闋實詞調所自起云

王維字摩詰太原人開元九年進士第一調太樂丞擢  
右拾遺歷監察御史累遷給事中肅宗立下遷太子中  
允進中庶子終尚書右丞贈祕書監後代宗求其樂章  
其弟縉集爲十卷表上之

元結字次山瀼州人天寶十二載進士蘇源明薦之肅  
宗召見上時議三篇擢監察御史遷水部員外郎拜道  
州刺史進容管經略使卒贈禮部侍郎自稱浪士更稱

聲叟亦曰漫叟

張鶴齡一名松齡志和之兄官浦陽尉

張志和字子同金華人本名龜齡以明經擢第獻策於  
肅宗得待詔翰林授左金吾衛錄事參軍改今名坐事  
貶南海尉經量移不願之官扁丹江湖自稱煙波釣徒  
憲宗嘗命揚色之不能致著書十二卷名元真子亦以  
自號

崔液字潤甫安喜人中書侍郎仁師之子官至殿中侍

御史坐兄湜事廢

劉長卿字文房河間人開元中進士至德中爲監察御史以檢校祠部員外郎爲轉運使判官知淮西鄂岳轉運留後鄂岳觀察使吳仲儒誣奏貶潘州南巴尉尋除睦州司馬終隨州刺史有集十卷

韋應物京兆人周道遙公賈之後永泰中任洛陽丞歷鄆櫟陽二縣令建中二年除比部員外郎出刺滁州改江州入爲左司郎中貞元初又刺蘇州有詩文集十卷

韓翃字君平南陽人天寶十二載進士侯希逸節度淄青表佐幕府李勉任宣武復辟之建中初以駕部郎中知制誥終中書舍人有集五卷

戴叔倫字幼公潤州金壇人師事蕭穎士貞元中及第劉晏奏爲主運湖南嗣曹王皋領湖南表在幕府楊惠琳劫之不從建中中李希烈反留叔倫守撫州刺史封譙縣男後遷容管經略德宗嘗賦中和節詩遣使寵餞代還卒於道

張仲素字繪之元和中爲翰林學士韋貫之謂學士所以備顧問不宜專取詞藝奏罷之

王建字仲初潁川人大曆十年進士官渭南尉歷祕書丞侍御史出爲陝州司馬從軍塞上後歸卜居咸陽有集十卷

劉禹錫字夢得中山人貞元中進士復登博學宏詞科爲監察御史與王叔文善擢屯田員外郎叔文敗貶朗州司馬召還復出刺連州又歷夔和二州入爲主客郎

中裴度薦爲集賢直學士遷太子賓客會昌時加檢校禮部尚書有集四十卷

柳宗元字子厚河東人貞元九年進士再登博學宏詞科授校書郎歷藍田尉貞元十九年爲監察御史裏行王叔文用事擢禮部員外郎後坐叔文黨貶邵州刺史再貶永州司馬元和十年徙爲柳州刺史卒劉禹錫編定其集凡四十五卷

白居易字樂天其先太原人徙下邳貞元中進士拔萃

補校書郎元和初入翰林爲學士遷左拾遺進左贊善  
大夫貶爲江州司馬徙忠州刺史入爲司門員外郎遷  
主客郎中知制誥轉中書舍人出刺杭州分司東都復  
刺蘇州文宗立以祕書監召遷刑部侍郎拜河南尹會  
昌初以刑部尚書致仕贈尚書右僕射諡曰文自號醉  
吟先生又號香山居士有長慶集七十五卷

李德裕字文饒贊皇人元和宰相吉甫之子以廕補校  
書郎累遷至翰林學士進中書舍人御史中丞出爲浙

西觀察使文宗立召拜兵部侍郎節度鄭滑徙劔南西  
川太和七年拜同中書門下平章事封贊皇縣伯武宗  
立再入相以平劉稹功拜太尉進封趙國公改衛國大  
中初貶崖州司戶卒懿宗朝追復故官贈尚書左僕射  
有會昌一品集二十卷姑臧集五卷行於世

杜牧字牧之京兆人貞元宰相佑之孫太和二年第進  
士復舉賢良方正爲淮南節度府掌書記擢監察御史  
分司東都歷黃池睦三州刺史入爲司勳員外郎復自



乞爲湖州刺史踰年以考功郎中知制誥終中書舍人  
有樊川集二十卷

溫庭筠本名岐字飛卿太原人貞觀宰相彥博之後累  
舉不第大中末爲方山尉徐商鎮襄陽署巡官及商執  
政欲白用之會商罷遂廢唐自大中以後詩衰而倚聲  
作至庭筠始有專集名握蘭金荃與詩集五卷漢南真  
稿十卷並傳於世

段成式字柯古臨淄人長慶宰相文昌之子會昌時累

擢尚書郎出爲吉州刺史終太常少卿

皇甫松一作嵩字子奇睦州人工部郎中湜之子

崔懷寶

鄭符字夢復滎陽人官祕書監

張希復字善繼常山人牛僧孺之壻河南府士曹集賢校理後官學士有與段成式鄭符聯句

司空圖字表聖河中人咸通末進士由宣歙幕召爲禮部員外郎遷郎中僖宗幸鳳翔間關至行在拜知制誥

遷中書舍人後還河中屢徵不起昭宗在華召拜兵部侍郎復固辭隱居中條山之王官谷名其亭曰休休自稱耐辱居士朱全忠召爲禮部尚書不食而卒有一鳴集三十卷

韓偓字致堯一字致光萬年人龍紀元年進士佐河中幕府召拜左拾遺累遷左諫議大夫王溥薦爲翰林學士遷中書舍人從昭宗幸鳳翔遷兵部侍郎進承旨欲相者三四皆固辭後爲朱全忠所惡貶濮州司馬天祐

二年復召爲學士偃不敢入朝挈家南依王審知自號  
玉山樵人所著有金鑾密記五卷詩一卷又香齋集一  
卷

張曙小字阿灰成都人侍郎禕子龍紀元年進士

林楚翹

方外

呂巖字洞賓京兆人咸通中舉進士兩爲縣令值黃巢  
亂攜家入終南山學道不知所終

宮嬪

楊太真小字玉環永樂人蜀州司戶參軍元琰之女始  
爲壽王妃開元二十八年詔度爲女道士賜號太真旋  
召入禁中稱娘子天寶初冊爲貴妃

妓女

柳氏韓翃姬

劉采春浙人作囉嘖曲元稹廉問浙東有因循歸未得  
不是戀鱸魚之句或曰爲好鑑湖春色耳謂采春也

女鬼

王麗真見才鬼錄

後唐

莊宗名存勗小字亞子天祐五年嗣立爲晉王破燕滅  
梁遂襲尊號改元同光在位三年性知音善度曲世傳  
其一葉落宴桃源等詞

和凝字成績鄆州人舉進士仕後唐爲翰林學士知制  
誥晉天福中拜中書侍郎同中書門下平章事後漢時

加太子太傅封魯國公周顯德中卒贈侍中有集共百餘卷其長短句名紅葉稿

南唐

中主李璟字伯玉徐州人唐宗室之裔嗣父昇僭號江南改元保大初名景通後奉周正朔避廟諱改名璟降稱國主宋建隆二年卒其子從嘉乞追復帝號太祖許之廟號元宗有長短句數首

後主李煜字重光初名從嘉璟之第六子建隆二年嗣

立開寶八年國入於宋封違命侯太平興國中進封隴  
西郡公卒追封吳王贈太師煜妙於音律能自譜樂府  
後人合中主所作刻之爲南唐二主詞集一卷

馮延巳一名延嗣字正中其先彭城人唐末徙家新安  
又徙廣陵事李昇爲校書郎繼事璟累官翰林學士承  
旨進中書侍郎左僕射同平章事後改太子太傅所著  
樂府甚多嘉祐中陳世修編定爲陽春錄一卷

徐鉉字鼎臣會稽人父延休唐乾符中進士後仕吳遂



家唐陵鉉與弟鉉俱知名時號二徐鉉始仕楊溥爲祕書郎李昇時知制誥煜時累遷翰林學士歸宋爲直學士院給事中散騎常侍淳化初坐累黜靜難軍司馬卒於邠有徐常侍集三十卷

張泌一作泌字子澄淮南人初官句容尉上書陳治道後主徵爲監察御史厯考功員外郎進中書舍人改內史舍人隨煜歸宋仍入史館遷郎中歸寓家毘陵有集一卷

盧絳字晉卿宜春人唐中書舍人肇之後舉進士不第  
上書論事授沿江巡檢後主用爲凌波都虞候累遷昭  
武軍節度留後進柱國歸宋授冀州團練使

成幼文江南人官大理卿

耿玉真盧絳未遇時夢白衣女子歌菩薩蠻詞且曰他  
日富貴相見於固子坡後絳入宋被刑有婦人耿玉真  
者同斬姿貌宛如所夢問其地爲固子坡云

## 前蜀

後主王衍字化源許州人嗣父建僭號於蜀改元乾德  
後唐同光四年舉國降天成中追封順正公衍有才思  
尤好靡麗之詞所製詞曲蜀人皆傳誦焉

韋莊字端已杜陵人唐宰相見素之孫乾寧元年進士  
官左補闕王建爲西川節度使昭宗命莊同李詢宣諭  
遂留掌書記尋以起居舍人召建復表留之及僭號進  
莊左散騎常侍判中書門下事累官至吏部尚書同平  
章事卒諡文靖有集二十餘卷其弟藹編定其詩爲浣

花集五卷

牛嶠字松卿一字延峰隴西人唐宰相僧孺之後乾符五年進士歷官拾遺補尚書郎王建鎮蜀辟爲判官後仕蜀爲給事中有集三十卷

牛希濟嶠之兄子王衍時累官翰林學士御史中丞降於後唐明宗拜爲雍州節度副使

庾傳素事王建爲蜀州刺史累官至左僕射同平章事罷爲工部尚書衍嗣立加太子少保兼中書侍郎後降

唐授刺史

毛文錫字平珪南陽人唐太僕卿龜範子登進士仕蜀  
爲翰林學士遷內樞密使進文思殿大學士拜司徒貶  
茂州司馬隨行降唐復仕後唐與歐陽炯等並以詞章  
供奉內庭所著有前蜀紀事二卷茶譜一卷

薛昭蘊官至侍郎

魏承班父弘夫爲王建養子賜姓名王宗弼封齊王承  
班爲駙馬都尉官至太尉

尹鶚成都人事王衍爲翰林校書累官參卿

李珣字德潤先世本波斯人家於梓州王衍昭儀李舜絃兄也爲蜀秀才嘗與賓貢有瓊瑤集一卷

### 後蜀

後主孟昶字保元初名仁贊邢州人嗣父知祥僭號於蜀改元廣政宋乾德三年舉國降封秦國公卒贈尚書令追封楚王謚恭孝性好學嘗集古今韻會五百卷亦工樂府

歐陽彬字齊美衡州人前蜀時官翰林學士兵部侍郎  
充唐國通好使後歸孟知祥厯事昝累官尚書左丞出  
爲寧江軍節度使

歐陽炯益州人事王衍爲中書舍人後事知祥及昝累  
官翰林學士進門下侍郎同平章事從昝歸宋授左散  
騎常侍

顧玘前蜀時官刺史後事知祥累遷至太尉

鹿虔扆事昝爲永泰軍節度使進檢校太尉加太保

閣選蜀布衣時稱爲閣處士

毛熙震蜀人官祕書監

徐氏青城人有才色景冊爲貴妃升號慧妃別稱化樂夫人嘗倣王建作宮詞百首爲時所稱

南漢

黃損字益之連州人登梁龍德二年進士第後仕南漢劉龔居幕府累進尚書左僕射以極諫忤意退居永州卒或曰仙去所著有二要書桂香集射法



楚

伊用昌南岳道士有異術

南平

孫光憲字孟文貴平人唐時爲陵州判官天成初避地  
江陵高季興據荆南署爲從事歷事三世累官荆南節  
度副使檢校祕書兼御史中丞後勸高繼冲歸宋太祖  
授以黃州刺史將用爲學士未及而卒自號葆光子有  
荆臺筆傭橘齋鞏湖諸集

徐昌圖蒲陽人與兄昌嗣並有才名陳洪進歸宋令昌圖奉表入汴太祖命爲國子博士累遷殿中丞

閩

陳金鳳福清人唐福建觀察使陳巖女王審知選爲才人延鈞立復嬖之封淑妃及僭號冊爲后金鳳善歌舞嘗作樂游曲

御選歷代詩餘卷一百一

欽定四庫全書會要卷二萬七百八十

集部

御選歷代詩餘卷一百二

詞人姓氏

宋

徽宗諱佖神宗子天才睿敏詩文之外尤工長短句書畫入妙世稱宣和名筆

高宗諱構字德基徽宗第九子博學強記政事之暇寄情歌咏所製漁父詞尤爲世所傳

潘閔字逍遙大名人嘗居洛陽賣藥太宗朝有薦其能詩者召見崇政殿賜進士及第授四門國子博士後坐事遁入中條山中題詩鐘樓寺僧疑而迹之復逸去尋出自首謫信州真宗朝爲滁州參軍有逍遙詞一卷

蘇易簡字太簡梓州人太平興國五年登進士覆試擢甲科第一由知制誥入爲翰林學士續唐李肇翰林志二卷以獻太宗賜詩嘉之淳化中參知政事後以禮部侍郎出知鄧州

寇準字平仲下邳人年十九登太平興國中進士除巴東令累官尚書右僕射集賢殿大學士景德中同中書門下平章事封萊國公爲丁謂所構貶雷州司戶參軍仁宗朝贈中書令謚忠愍有巴東集

王禹偁字元之鉅野人太平興國八年進士端拱初召試擢右拾遺直史館二年拜左司諫知制誥坐事貶旋召爲禮部員外郎歷翰林學士又罷爲工部郎中知滁州改知揚州復召還知制誥再出知黃州徙蘄州有小

畜集

丁謂字公言初字謂之長洲人淳化三年進士天禧初拜平章事封晉國公後貶崖州

夏竦字子喬德安人舉賢良方正慶曆中同中書門下平章事判大名府召入爲宰相改樞密使封英國公進封鄭國公卒贈太師中書令謚文正以劉敞言改謚文莊有集一百卷

錢惟演字希聖吳越王俶之子少補牙門將歸宋爲右

屯衛將軍召試學士院改太僕少卿累遷至樞密使罷  
爲鎮國軍節度觀察留後改保大軍節度知河陽入朝  
加同中書門下平章事坐擅議宗廟又與后家通婚落  
平章事以崇信軍節度使歸鎮卒贈侍中謚曰思改謚  
文僖有擁旄集

趙抃字閱道西安人第進士爲武安推官歷知崇安海  
陵江源三縣通判泗州以曾公亮薦擢殿中侍御史英  
宗朝除龍圖閣直學士知成都神宗初召知諫院擢參



知政事與王安石議政不協求去除資政殿學士出知越州尋以太子少保致仕卒贈太子少師謚清獻

晏殊字同叔臨川人景德初張知白安撫江南以神童薦真宗召見命與進士並試援筆立成賜同進士出身累官翰林學士左庶子仁宗朝遷右諫議大夫兼侍讀學士歷遷至參知政事集賢殿學士拜同中書門下平章事兼樞密使卒贈司空兼侍中謚元獻有珠玉詞一卷

陳堯佐字希元閬中人少師省華次子少從种放讀書終南山第進士歷官同中書門下平章事集賢殿大學士以太子太師致仕贈司空兼侍中謚文惠

賈昌朝字子明獲鹿人天禧中真宗祈穀南郊昌朝獻頌名試賜進士出身除晉陵簿景祐初授崇政殿說書歷天章閣待制累官至同中書門下平章事兼侍中封許國公英宗立加左僕射進封魏國公謚文元有集百十二卷木蘭花令一調極爲黃昇所稱

王益臨川人安石之父官都官員外郎

杜衍字世昌山陰人登進士甲科歷官州縣皆有政績  
慶曆中拜同平章事集賢殿大學士兼樞密使以事罷  
知兗州致仕皇祐中進太師封祁國公卒贈司徒兼侍  
中謚正獻

王琪字君玉華陽人舉進士調主簿除館閣校勘集賢  
校理歷官知制誥加樞密直學士以禮部侍郎致仕所  
製樂府名謫仙長短句

林逋字君復錢塘人少孤力學不事進取放遊江淮間  
久之歸杭州結廬西湖之孤山二十年足不及城市真  
宗賜以粟帛詔有司歲時勞問及卒仁宗賜謚和靖先  
生有和靖先生集附詞

李遵勗字公武上黨人崇矩之孫登進士大中祥符間  
召見便殿尚荆國大長公主授左龍武軍駙馬都尉賜  
第永寧里累遷寧國軍節度使徙鎮國軍知許州卒贈  
中書令謚和文有閒宴集

葉清臣字道卿長沙人天聖二年舉進士對策擢第二  
歷官翰林學士權三司使罷爲侍讀學士知河陽卒贈  
左諫議大夫有集

聶冠卿字長孺新安人舉進士授連州軍事推官以大  
臣薦召試學士院充館閣校勘預撰景祐廣樂記慶曆  
中入爲翰林學士判昭文館兼侍讀學士有蘄春集

韓琦字稚圭安陽人天聖五年進士第二人嘉祐初歷  
官同中書門下平章事集賢殿大學士遷昭文館大學

士進右僕射再進司空兼侍中封儀國公進封衛國公  
再進封魏國公卒贈尚書令謚忠獻徽宗追論定策功  
贈魏郡王有安陽集

范仲淹字希文吳縣人大中祥符八年進士明道中爲  
右司諫以直言遠貶尋召還累官至權知開封府復忤  
呂夸簡貶知饒州西北用兵仁宗以仲淹人望所屬起  
爲陝西招討副使兼知延州改知慶州屢進樞密直學  
士右諫議大夫充陝西路安撫招討使召還拜樞密副

使除參知政事卒贈兵部尚書楚國公有集

李師中字誠之楚丘人登進士仁宗朝權主管經畧司  
文字提點廣西路刑獄厯天章閣待制河東都轉運使  
貶和州團練副使安置稍遷至右司郎中

宋祁字子京安陸人徙居雍丘天聖中與兄郊同舉進  
士時稱爲大小宋累官翰林學士承旨知制誥卒贈尚  
書謚景文有出麾小集西州猥稿

吳感字應之天聖二年省試第一又中拔萃科仕至殿

中丞以詠紅梅詞得名

韓維字持國雍丘人忠獻公億之子用門廕入仕歐陽  
修薦爲檢討知太常禮院出判涇州除同修起居注進  
知制誥神宗初除龍圖閣直學士歷知州郡召拜門下  
侍郎以太子少傅致仕

韓縝字玉汝維之弟登進士累官大中大夫同知樞密  
院事拜尚書右僕射兼中書侍郎以太子太保致仕贈  
司空崇國公謚莊敏



鄭獬字毅夫安陸人皇祐五年舉進士第一知制誥神宗召夕對內東門命草制賜雙蓮燭送歸院拜翰林學士命權知開封府王安石惡之以侍讀學士出知杭州徙青州有鄆溪集

張昇字杲卿韓城人大中祥符八年進士累官參知政事兼樞密使以彰信軍節度使同中書門下平章事判許州改鎮河陽進太子太師致仕卒贈司徒兼侍中謚康節

謝絳字希深富陽人以父濤廢試秘書省校書郎復登進士甲科知汝陰縣遷光祿寺丞召試擢祕閣校理歷官至朝散大夫行尚書兵部員外郎知制誥出知鄧州歐陽修字永叔廬陵人兩試國子監一試禮部皆第一擢進士甲科補西京留守推官景祐初召試遷館閣校勘歷官至禮部侍郎兼翰林侍讀學士進樞密副使叅知政事熙寧四年以觀文殿學士太子少師致仕卒贈太子太師謚文忠修初號醉翁晚更號六一居士有六

一居士詞三卷

蘇舜欽字子美易簡之孫以父廕補太廟齋郎調滎陽尉復舉進士官大理評事范仲淹薦其才召試擢集賢校理監進奏院爲王拱辰誣奏除名寓居吳中買水石一區作滄浪亭以詩酒自放後爲湖州長史卒有集梅堯臣字聖俞宣城人以從父詢廕爲河南主簿歷鎮安判官仁宗召試賜進士出身爲國子監直講遷尚書屯田都官員外郎有宛陵集

石延年字曼卿其先幽州人徙宋城累舉進士不第補三班奉職遷殿直累遷大理寺丞通判海州終太子中允祕閣校理

司馬光字君實夏縣人寶元初登進士甲科累官天章閣待制知諫院治平間爲諫議大夫龍圖閣直學士熙寧初遷翰林學士御史中丞進樞密副使不拜與王安石不合出知永興軍哲宗立拜門下侍郎進尚書左僕射卒贈太師溫國公謚文正

王安石字介甫臨川人慶曆中擢進士第知鄞縣嘉祐三年爲度支判官遷直集賢院同修起居注知制誥神宗在穎邸聞其名及即位命知江寧府數月召爲翰林學士兼侍講熙寧二年拜叅知政事三年拜同平章事七年罷八年復相屢謝病出判江寧府元豐二年復拜左僕射封舒國公改封荆卒贈太師謚曰文追封荆王晚居金陵自號半山老人有臨川集詞一卷

范純仁字堯夫仲淹次子第進士除官不赴仲淹沒始

出仕治平中爲侍御史爭濮王典禮出判安州神宗朝  
知諫院加直集賢院同修起居注忤王安石改判國子  
監出知河中府哲宗立命同知樞密院事元祐三年拜  
尚書右僕射兼中書侍郎紹聖中貶永州安置後追贈  
開府儀同三司許國公謚忠宣有集

晏幾道字叔原殊之幼子嘗監穎昌許田鎮有小山詞  
二卷黃庭堅爲之序

張先字子野吳興人晏殊尹京兆辟爲通判歷官都官

郎中居錢塘嘗創花月亭有子野詞一卷

柳永字耆卿初名三變樂安人景祐元年進士歷官屯田員外郎有樂章集九卷

韋驤字子駿錢塘人皇祐五年進士歷官尚書主客郎中提點夔州路刑獄有集

御選歷代詩餘卷一百二

欽定四庫全書薈要卷二萬七百八十一

集部

御選歷代詩餘卷一百三

詞人姓氏

宋

蘇軾字子瞻一字和仲自號東坡居士眉山嘉祐二年試禮部第一復對策入三等歷官端明殿學士兼翰林侍讀學士守禮部尚書紹聖初安置惠州徙昌化元符初北還高宗即位贈資政殿學士再贈太師謚文



忠有東坡居士詞二卷

蘇轍字子由年十九與兄軾同登進士科又同策制舉以直言置下等授商州軍事推官神宗立上書召對爲三司條例屬官以忤王安石徙他職後坐兄軾詩禍謫監筠州鹽酒稅移知績溪縣哲宗即位召入元祐初爲右司諫遷起居郎中書舍人代軾爲翰林學士尋權吏部尚書使契丹還爲御史中丞尋拜尚書右丞進門下侍郎以直諫落職知汝州再謫袁州未至降秩試少府

監分司南京筠州居住又謫化州別駕雷州安置移循  
州徽宗朝徙永州岳州已而復大中大夫奉祠蔡京當  
國又降居許州致仕自號潁濱遺老卒追復端明殿學  
士淳熙中謚文定有樂城集

曾鞏字子固南豐人登嘉祐二年進士第歷集賢校理  
出通判越州知齊襄洪三州加直龍圖閣知福州屢外  
徙尋判三班院加史館修撰終中書舍人有南豐集

黃庭堅字魯直分寧人自號山谷道人一號涪翁舉進

士元祐初爲校書郎遷集賢校理擢起居舍人除祕書丞以忤章惇蔡卞貶涪州別駕安置黔州起監鄂州稅遷知舒州復貶宜州卒追謚文節有山谷詞二卷黃知命字元明庭堅之弟

秦觀字少游初字太虛高郵人登第後蘇軾薦於朝除太學博士遷祕書省正字兼國史院編修官坐黨籍遠徙徽宗朝放還有淮海詞三卷

晁補之字无咎鉅野人元祐初應進士舉試開封府及

禮部別試皆第一除祕書省正字遷校書郎以祕閣校理通判揚州尋召還爲著作郎坐黨籍徙放還後葺歸來園自號歸來子又稱濟北詩人大觀末起知泗州有雞肋集詞一卷其琴趣外篇六卷則俗人贗托者

張耒字文潛淮陰人第進士歷官起居舍人以直龍圖閣知潤州坐黨籍謫官晚監南嶽廟主管崇福宮建炎初贈集英殿修撰有宛丘集嘗從蘇軾游與黃庭堅秦觀晁補之稱蘇門四學士

陳師道字履常一字無已號後山彭城人年十六謁曾  
鞏鞏大器之元豐初曾鞏典五朝史事以白衣薦爲史  
館屬章惇屢招之卒不一往元祐初蘇軾薦爲徐州教  
授未幾除太學博士坐黨籍罷官元符間除祕書省正  
字有後山集長短句二卷

李廌字方叔華山人嘗攜所作文謁蘇軾於杭州軾大  
稱賞復歸華山閉戶讀書應鄉舉試禮部不第遂絕意  
進取定居長社有濟南集又名月巖集

李之儀字端叔無棣人第進士歷樞密院編修官通判  
原州徽宗初提舉河東常平坐爲范純仁作遺表及行  
狀編管太平自號姑溪居士久之徙唐州終朝請大夫  
有姑溪詞二卷

賀鑄字方回衛州人孝惠后族孫嘗爲武弁元祐中通  
判泗州又倅太平州退居吳下築室於橫塘自號慶湖  
遺老自裒其歌詞爲東山寓聲樂府三卷

毛滂字澤民江山人爲杭州法曹以樂府受知蘇軾得

名嘗知武康縣又知秀州有東堂樂府二卷行於世  
王仲字與善元祐間人

杜安世字壽域有詞一卷

李元膺南京教官

孫洙字巨源廣陵人未冠登進士補秀州法曹復舉制  
科遷集賢校理太常禮官治平中兼史館檢討同知諫  
院出知海州元豐初召還直學士院撰靈津廟碑稱旨  
擢翰林學士有孫賢良集

朱服字行中烏程人熙寧中登進士甲科累官國子司業起居舍人以直龍圖閣知潤州徙泉州婺寧廬壽五州紹聖初召爲中書舍人歷禮部侍郎坐與蘇軾遊貶海州團練副使蘄州安置

章棗字質夫浦城人以叔得象廕爲孟州司戶參軍試禮部第一歷官樞密直學士龍圖閣端明殿二學士以平夏州功拜同知樞密院事贈右銀青光祿大夫謚莊簡揮塵錄作莊敏



舒亶字信道慈谿人試禮部第一累官御史中丞以罪  
斥終龍圖閣待制贈直學士

李清臣字邦直魏人舉進士歷官知制誥翰林學士遷  
尚書左丞罷爲資政殿學士復拜中書侍郎以大學士  
知河南府徽宗立入爲門下侍郎出知大名府贈金紫  
光祿大夫

王洙字晉卿太原人徙開封尚英宗女魏國大長公主  
歷官定州觀察使開國公駙馬都尉贈昭化軍節度使

謚榮安

趙令時字德麟燕懿王德昭之後元祐中簽書潁州公  
事蘇軾爲守愛其才薦於朝及軾被竄坐交通罰金後  
官右朝請大夫改右監門衛大將軍營州防禦使遷洪  
州觀察使襲封安定郡王尋遷寧遠軍承宣使同知行  
在大宗正事贈開封府儀同三司有聊復集一卷

王安禮字和甫臨川人安石之弟登制科呂公弼薦爲  
著作佐郎崇文院校書厯遷直舍人院同修起居注進

知制誥翰林學士尚書左丞元祐中加資政殿學士歷  
揚青蔡三州刺史

王安國字平甫臨川人安禮之弟熙寧初用韓絳薦召  
試賜進士及第又舉茂才異等除西京國子教授崇文  
院校書改祕閣校理坐鄭俠事奪官有王校理集

曾肇字子開南豐人肇之弟舉進士元祐中官中書舍  
人徽宗朝再入西掖遷翰林學士兼侍讀以龍圖閣學  
士提舉中太乙宮崇寧中安置汀州紹興初追謚文昭

有曲阜集

晁冲之字叔用一字用道鉅野人舉進士紹聖初以黨論被逐隱居具茨山下號具茨先生有具茨集詞一卷秦觀字少章高郵人觀之弟舉進士

王觀字通叟如皋人試開封府第一中元祐二年進士第官翰林學士以賦應制詞被謫因自號逐客有冠柳集一卷一云官大理寺丞知江都縣事

孔武仲字常父臨江新喻人至聖四十八代孫也舉進

士中甲科調穀城主簿教授齊州爲國子直講歷祕書  
正字校書集賢校理著作郎國子司業論詆王氏進起  
居郎侍講邇英起居舍人旋拜中書直學士院擢給事  
中遷禮部侍郎以寶文閣待制知洪州改宣州坐元祐  
黨奪職居池州卒與兄文仲弟平仲並有文名時稱二  
蘇三孔有清江集

孔平仲字毅父武仲之弟第進士呂公著薦爲祕書丞  
集賢校理出爲江東轉運判官紹聖中坐元祐黨謫知

衡州徙韶州復謫惠州別駕安置徽宗立召爲戶部金部郎中出提舉永興路刑獄帥廊延環慶黨論再起罷職有清江集

米芾字元章太原人徙居襄陽又徙居吳以恩補臨光尉歷官太常博士知無爲軍召爲書畫學博士擢禮部員外郎出知淮陽軍有襄陽集

滕宗諒字子京河南人舉進士范仲淹薦其才以秦州軍事推官召試學士院改大理寺丞累遷至天章閣待

制出知慶州再知虢州復徙岳州終知蘇州

鄭僅字彥能彭城人第進士歷官顯謨閣待制出知寧  
州徙秦州遷都轉運使召拜戶部侍郎改吏部侍郎知  
徐州終顯謨閣直學士通議大夫贈光祿大夫謚修敏  
黃裳字勉仲延平人元豐五年進士先是神宗見裳所  
著文喜之及進讀試策親擢爲第一累官端明殿學士  
贈少傅有演山集詞二卷

張景修字景叔常州人治平中舉進士元豐末爲饒州

浮梁令遷郎中

孫儀字濟師

程過字觀過

解昉字方叔

陳亞字亞之揚州人咸平五年舉進士嘗知潤州終司  
封郎中一云太常少卿有澄源集

張舜民字芸叟邠州人登進士第以薦爲監察御史累  
官至吏部侍郎坐元祐黨謫楚州復爲集賢殿修撰自



號浮休居士有畫墁集

沈括字存中錢塘人以父任爲沭陽主簿登進士第編校昭文書籍爲館閣校勘遷太子中允檢正中書刑房提舉司天監歷遷太常丞同修起居注擢知制誥兼通進銀臺司自中允至是纔三月爲河北西路察訪使遣聘契丹還拜翰林學士權三司使爲蔡確所論以集賢學士知宣州明年復龍圖閣待制知審官院又出知青州未行改延州以副种諤西討拔銀宥功加龍圖閣學

士坐失援謫均州團練副使元祐初徙秀州繼以光祿少卿分司居潤卒括博學無所不通多所論著又有夢溪筆談

王雱字元澤安石之子舉進士調旌德尉累官崇政殿說書遷天章閣待制兼侍講進龍圖閣直學士贈右諫議大夫

蔡挺字子政一作子正宋城人第進士累官天章閣待制出知渭州進右諫議大夫龍圖閣直學士拜樞密副

使贈工部尚書謚肅敏

汪輔之字正夫宣州人熙寧中登第歷官職方郎中廣南轉運使左遷知虔州有集三十卷

蘇庠字養直丹陽人紹聖中與徐俯同名不起自放江湖間號後湖居士有後湖集一卷

劉涇字巨濟簡州人舉進士王安石薦其才名見除經義所檢討遷太學博士後官至職方郎中有前溪集五卷

潘元質金華人

蘇過字叔黨軾之第三子當時號爲小坡初監太原府稅次知潁昌府郾城縣皆坐黨人子弟去官終於通判中山府留家潁昌經營湖陰水竹數畝名曰小斜川自號斜川居士有斜川集

秦湛字處度觀之子官宣教郎

李嬰

許庭字伯揚濠梁人

葛勝仲字魯卿丹陽人紹聖四年進士歷官禮部員外郎權國子司業遷太常卿兼諭德除國子祭酒出知汝州改湖州謚文康有丹陽集詞一卷

李冠字世英山東人

張表臣官承議郎通判常州著珊瑚鈞詩話

查荃

周紫芝字少隱宣城人兩以鄉貢試禮部不第從李之儀呂本中遊年六十一始以廷對第三同學究出身歷

樞密院編修官右司員外郎出知興國軍秩滿奉祠居廬山有竹坡詞一卷

謝逸字無逸臨川人第進士有溪堂詞一卷

謝邁字幼槃逸之從弟有竹友詞一卷

葛郊字謙問丹陽人有信齋詞一卷

趙鼎臣字承之衛城人登元祐甲科紹聖間舉博學宏詞科宣和中以右文殿修撰知鄧州召爲太府卿自號葦溪翁有竹隱畸士集

廖行之字天民衡陽人有省齋詩餘一卷

周邦彥字美成錢塘人元豐初進汴都賦神宗異之除太學正歷官祕書監進徽猷閣待制提舉大晟府出知順昌府徙知處州秩滿以待制提舉南京鴻慶宮有清真集二卷後集一卷

晁端禮字次膺熙寧六年進士兩爲縣令政和癸巳以蔡京薦赴闕進詞稱旨除大晟府協律郎有閒適集一卷

孔方平

田不伐

曹組字元寵潁昌人宣和三年登進士第有旨換武階  
兼閣職仍給事殿中揮麈錄云官副使有箕穎集

万俟雅言自號詞隱遊上庠不第崇寧中充大晟府製  
撰有大聲集五卷

徐伸字幹臣三衢人政和初以知音律爲太常典樂出  
知常州有青山樂府一卷



陳克字子高臨海人僑寓金陵元豐間呂安老辟入幕府爲參議官有赤城詞一卷

李祁字蕭遠官至尚書郎宣和間責監漢陽酒稅

呂渭老字聖求秀州人宣和末朝士有詞一卷趙師秀序之

趙企字循道南陵人神宗朝舉進士大觀中宰績溪縣歷員外郎

李持正字季秉政和五年進士歷知德慶南劔潮陽三

郡終朝請大夫

王寀字道輔一云字輔道江州人樞密韶之子登第後爲校書郎宣和末官至侍郎以林靈素譖坐法

韓駒字子蒼蜀利州仙井監人政和初以獻頌補假將仕郎召試賜進士除祕書省正字坐蘇氏黨謫知分寧召爲著作郎遷中書舍人兼修國史權直學士院尋提舉太平觀出知江州卒贈中奉大夫有陵陽集

徐積字仲車楚州山陽人中進士第除揚州司戶參軍

楚州教授改和州防禦推官徽宗立改宣德郎賜謚節  
孝處士有集二十卷

何籀字子初信安人

蔣子雲字元龍

宋齊愈字退翁宣和三年上舍第一建炎初官諫議大  
夫

李甲字景元華亭人

夏倪字均父蘄州人竦之諸孫自府曹左官監祁陽酒

稅終知江州有遠遊集

沈會宗字文伯

孫浩然

廖世美

林少瞻

何大圭字搢之廣德軍人年十八試禮部第一徽宗朝

舉進士

沈公述

魯逸仲

何卓字子縝一云字文縝蜀利州仙井監人政和丙申  
進士第一歷官御史中丞尚書右僕射兼中書侍郎贈  
觀文殿大學士

陳瓘字瑩中延平人中甲科建中靖國初爲右司諫極  
論章惇蔡卞之奸章疏十上遂除名編隸合浦靖康中  
贈諫議大夫紹興中追謚忠肅有了齋集詞一卷

王安中字履道曲陽人進士及第宣和中累官御史中

丞翰林學士承旨尚書左丞燕雲既復授慶遠軍節度使河北河南燕山府路宣撫使加少師靖康初安置象州紹興初復左中大夫有初寮集詞一卷

楊适字時可棣州人年十八登進士第晚始出仕爲尚書比部員外郎

劉壽字無言元祐中進士有見南山集

方喬樂至人大觀間秀才

李玉

波子山宿州獄掾

蔡伸字伸道莆田人襄之孫宣和中官彭城倅歷左中大夫自號友古居士有友古詞一卷

王之道字彥猷濡須人宣和六年與兄之義之深同舉進士歷官樞密使封魏國公有相山居士詞二卷  
向鎬字豐之河內人有樂齋詞二卷

劉弇字偉明廬陵人登元豐進士第繼中博學宏詞科元符中進南郊大禮賦稱旨除祕書省正字改著作佐

郎實錄檢討官有龍雲集三十二卷

趙師俠字介之燕王德昭七世孫舉進士有坦菴長短句一卷

趙長卿南豐宗室自號仙源居士有惜香樂府十卷

王灼字晦叔遂寧人有願堂詞一卷

陳濟翁


汪存字公澤婺源人元豐七年領鄉薦元祐中授西京文學上封事不報棄官歸養政和間復故官力辭乞歸



學者稱四友先生



御選歷代詩餘卷一百三



總校官庶吉士臣張能照

校對官庶吉士臣陳文樞

膳錄監生臣勵世馨

膳錄監生臣周學淮

欽定四庫全書薈要

集部

御選歷代詩餘卷一百

四至  
七

詳校官編修臣汪鏞

欽定四庫全書薈要卷二萬七百八十二

集部

御選歷代詩餘卷一百四

詞人姓氏

宋

李綱字伯紀邵武人政和三年進士欽宗立除兵部侍郎遷尚書右丞觀文殿學士尚書左僕射未幾落職高宗朝歷官江西安撫大使卒贈少師謚忠定有梁溪詞趙鼎字元鎮聞喜人崇寧初舉進士累官尚書左僕射

同中書門下平章事兼樞密院使贈太傅謚忠簡追封  
豐國公有得全居士集詞一卷

歐陽澈字德明崇仁人建炎初與太學生陳東同伏闕  
上書力詆用事者遂爲黃潛善等所陷紹興間追贈朝  
奉郎祕閣修撰著有飄然集六卷

岳飛字鵬舉相州湯陰人初爲秉義郎見知於宗澤張  
所累官至武勝定國軍節度使開府儀同三司湖北京  
西宣撫使兼營田大使召還爲少保樞密副使謚武穆

改謚忠武追封鄂王

向子諲字伯恭臨江人敏中之後以欽聖憲肅皇后從姪恩補假承奉郎建炎初遷直龍圖閣江淮發運副使爲黃潛善所斥尋起知潭州累遷戶部侍郎以徽猷閣直學士知平江府復忤秦檜罷歸卜築清江顏其堂曰鄉林自號鄉林居士有酒邊集詞四卷

葉夢得字少蘊吳縣人紹聖四年進士累官翰林學士兼侍讀進戶部尚書以崇信軍節度使致仕自號石林

居士卒贈檢校少保有建康集石林詞一卷

沈瀛字子壽吳興人少入太學歷仕四十餘年絀於王官再入郡三佐帥幕有竹齋詞一卷葉適序之

李邴字漢老任城人宗寧五年進士紹興初叅知政事授資政殿學士謚文昭有雲龕草堂集

汪藻字彥章婺源人登進士第歷官中書舍人兼直學士院擢給事中遷兵部侍郎兼侍講進翰林學士高宗嘗以所御白團扇書紫誥仍兼綰黃麻似六經十字賜

之有浮溪文粹附詞一卷

曾紆字公衮南豐人布之子假守潤州入爲司農少卿  
直寶文閣出知秀州又知衢州有空青集

徐俯字師川分寧人黃庭堅之甥紹聖間召至京由通  
直郎歷官右諫議大夫紹興初賜進士出身累遷至端  
明殿學士簽書樞密院事權參知政事有東湖集

陳與義字去非號簡齋慥之孫本蜀人後徙居河南葉  
縣政和中登上舍甲科紹興中累官翰林學士知制誥



進參知政事有簡齋集無住詞一卷

劉一止字行簡歸安人登宣和三年進士紹興中官監察御史累遷給事中以直學士致仕有苕溪詞一卷

王庭珪字民瞻廬陵人登政和八年進士調衡州茶陵丞不就築草堂於廬溪因以自號以送胡銓詩觸秦檜怒流夜郎後召還除國子監主簿進直敷文閣有廬溪集詞二卷

李彌遜字似之號筠溪翁吳縣人大觀三年登進士第

累官起居郎試中書舍人再試戶部侍郎以爭和議忤  
秦檜意乞歸遂以徽猷閣直學士知端州改知漳州晚  
歲隱連江西山有筠溪集

朱翌字新仲龍舒人政和中進士歷官中書待制有瀟  
山集

張元幹字仲宗三山人太學上舍紹興中坐送胡銓及  
寄李綱詞除名自號蘆川居士有歸來集蘆川詞一卷  
洪皓字光弼樂平人第進士建炎中以徽猷閣待制假

禮部尚書充通問使留金十五年歸除徽猷閣直學士  
提舉萬壽觀兼權直學士院忤秦檜謫濠州團練副使  
安置英州後徙袁州卒謚忠宣

呂本中字居仁其先河南人父好問從高宗南渡卜居  
金華遂爲金華人以恩授承務郎遷祠部員外紹興六  
年召試賜進士累遷中書舍人兼侍讀權直學士院以  
草趙鼎制忤秦檜意諷御史劾之罷職提舉太平觀卒  
謚文清所著有江西詩派圖及紫薇詩話行於世

鄧肅字志宏延平人入太學高宗召對擢爲左正言居諫垣不三月抗二十疏會李綱罷爭之力亦罷歸所著有栢欄集詞一卷

劉子翬字彥冲崇安人以父鞏任授承務郎通判興化軍辭不就歸隱武彞山學者稱爲屏山先生有屏山集附詞

張掄字材甫南渡故老與曾覲同知閤門事自號蓮社居士有蓮社詞一卷

朱敦儒字希真一作希直洛陽人紹興二年以薦授迪  
功郎賜進士出身除祕書省正字兼兵部郎官遷兩浙  
東路提點刑獄上疏乞歸居嘉禾晚年起爲鴻臚少卿  
有詞三卷名樵歌

康與之字伯可號順菴渡江初以樂府受知高宗官郎  
中有順菴樂府五卷

吳億字大年蘄春人父擇仁官尚書億於南渡初爲靖  
江倅居餘干著有溪園自怡集

曾覲字純甫汴人紹興中以寄班祗候與龍大淵同爲  
建王內知客孝宗受禪以潛邸舊人除權知閣門事淳  
熙初進武泰軍節度使開府儀同三司加少保領醴泉  
觀使有海野詞三卷

閻蒼舒蜀人官侍郎嘗北使汴京

左譽字與言天台人登第後棄官爲浮屠所著詞名筠  
翁長短句

陸凝之字永仲號石室餘杭人高宗朝以布衣召見辭

不赴

楊无咎字補之清江人高宗朝累徵不起自號清夸長老有逃禪詞三卷

阮閱字閱休一作閱字閱休建炎初知袁州致仕寓居宜春著詩話總龜

侯宣字彥周東武人晁說之甥紹興中以直學士知建康府有嬾窟詞一卷

曾慥字端伯官至太府卿退居銀峰著類說五十卷又

有皇宋詩選樂府雅詞諸書

曾惇字鉉父知台州有詞一卷

朱雍紹興中召試賢良有梅詞二卷

姚進道華亭人

胡舜陟字汝明績溪人登大觀三年進士第歷任州縣擢爲監察御史建炎己酉以待制師建康與右丞杜充不協移兩浙宣撫司參謀官尋起知杭州建炎中以集英殿修撰知廬州累官廣西路經略使提舉太平觀爲



秦檜所陷追贈少師

胡仔字仲任舜陟子寓居吳興號茗溪漁隱宣和間官建安主簿有漁隱叢話百卷

劉之翰荆南人官峽州遠安主簿

張綱字彥正金壇人政和四年以上舍及第釋褐授承事郎徽宗知綱三中首選特命除太學正遷博士擢校書郎歷遷至給事中進徽猷閣待制致仕歸紹興中累召爲參知政事卒謚文定改謚章簡嘗自號華陽老人

所著詞名華陽老人長短句

江緯

倪偁字文舉吳興人紹興八年進士官太常寺主簿有  
綺竹詞一卷

辛棄疾字幼安歷城人耿京聚兵山東節制忠義軍馬  
留掌書記令奉表南歸高宗召見授承務郎累官浙東  
安撫使加龍圖閣待制進樞密都承旨德祐初以謝枋  
得請贈少師謚忠敏有稼軒長短句十二卷傳於世

范成大字致能一字至能吳郡人紹興中擢進士第累  
官權吏部尚書參知政事嘗帥蜀繼帥廣西復帥金陵  
進資政殿學士領洞霄宮加大學士退居石湖之上自  
稱石湖居士卒謚文穆有石湖集詞一卷

陳三聘字夢弼吳郡人嘗和范成大詞數百首爲時所  
稱

黃公度字思憲莆陽人紹興八年進士第一除祕書省  
正字秦檜誣以事罷歸後官至尚書考功員外郎有知

稼翁集詞一卷子沃編輯行世

葛立方字常之丹陽人勝仲之子與弟立象同登紹興八年進士歷官吏部侍郎有歸愚詞一卷

姚寬字令威剡川人待制舜明之子官六部監門有西溪居士樂府一卷

張孝祥字安國號于湖歷陽人紹興二十四年廷試第一累遷至中書舍人直學士院兼都督府參贊軍事領建康留守尋以荆南湖北路安撫使請祠進顯謨閣直

學士致仕有子湖詞一卷

王十朋字龜齡樂清人紹興二十七年對策高宗親擢  
第一除著作郎簽判紹興府遷太宗正丞請祠歸孝宗  
立起知嚴州累遷侍御史國子司業陞侍講進吏部侍  
郎出知饒夔湖三州除太子詹事以龍圖閣學士致仕  
謚忠文有梅溪集

程垓字正伯省山人與蘇軾爲中表兄弟有書舟雅詞  
一卷王偁序之行世

韓元吉字无咎號南澗許昌人門下侍郎維之四世孫  
官至吏部尚書有焦尾集一卷

周必大字子充一字弘道廬陵人登紹興二十一年進  
士復中博學宏詞科召試館職授祕書省正字累遷至  
監察御史孝宗朝厯官左丞相光宗立進少保封益國  
公贈太師謚文忠所著有平園集二百卷近體樂府一  
卷

高登字彥先漳浦人宣和間爲太學生紹興二年廷對

授富川主簿遷古田縣令後以事忤秦檜編管漳州紹興末起爲迪功郎有東溪集二十卷

京鏜字仲遠豫章人登紹興二十七年進士第由縣令擢御史遷右司郎中出爲四川安撫使進刑部尚書慶元初拜左丞相贈太保謚文穆改謚文忠復改莊定有松坡居士樂府一卷

尤袤字延之無錫人入太學以詞賦冠多士尋冠南宮紹興十八年擢進士第累官至禮部尚書正奉大夫贈

光祿大夫謚文簡有梁溪集

仲并字彌性江都人紹興壬子進士授平江教授改左承奉郎歷光祿寺丞終朝請大夫淮東安撫司參議有浮山集十六卷



御選歷代詩餘卷一百四

欽定四庫全書薈要卷二萬七百八十三

集部

御選歷代詩餘卷一百五

詞人姓氏

宋

朱熹字元晦一字仲晦婺源人少依父友劉子翬寓建安後徙建陽之考亭從李侗諸儒遊盡得程氏之學登紹興進士第歷事高孝光寧四朝累官轉運副使崇政殿說書煥章閣待制致仕築室武夷山下集生徒講論

其中卒贈太師封信國公改封徽國謚曰文有晦菴詞一卷

真德秀字景元更字景希浦城人登慶元進士第授南  
劔州判官復中博學宏詞科召試學士院除祕書省正  
字厯官兵部尚書翰林學士知制誥拜參知政事卒贈  
銀青光祿大夫謚文忠著大學衍義四十三卷學者稱  
為西山先生

魏了翁字華甫浦江人慶元元年登進士開禧初以武

學博士對策諫開邊事御史徐相劾其狂妄遂辭去築  
室白鶴山下授徒講學嘉定末除起居郎歷任州郡入  
朝權工部侍郎旋貶靖州理宗親政召還命直學士院  
累擢端明殿學士同簽書樞密院事開府江州督視江  
淮京湖軍馬御書唐人送嚴武詩及鶴山書院四大字  
賜之尋召還屢疏乞歸以資政殿學士致仕卒諡文清  
追贈秦國公有鶴山詞一卷

程大昌字泰之休寧人紹興二十一年第進士擢太平

州教授孝宗即位累遷著作佐郎國子司業兼權禮部侍郎直學士院權吏部尚書出知泉明二州以龍圖閣學士致仕謚文簡

趙汝愚字子直漢恭憲王元佐七世孫家饒之餘干縣隆興三年登進士第一授簽書寧國軍節度判官累遷至吏部尚書知樞密院事寧宗立進光祿大夫右丞相為韓侂胄所忌諷李沐劾之以觀文殿大學士出知福州旋罷職提舉洞霄宮慶元元年責授寧遠軍節度副

使永州安置理宗朝追贈太師封沂國公進封周王謚  
忠定圖其像於昭勲宗德閣

洪适字景伯樂平人皓之長子紹興十二年與弟遵同  
舉博學宏詞科厯官司農少卿權直學士院進尚書右  
僕射同中書門下平章事兼樞密使加觀文殿大學士  
乞休歸家居十六年以著述吟詠自娛卒謚文惠有盤  
洲集詞二卷

洪邁字景盧皓之季子紹興十五年登第累遷至吏部

郎敷文閣待制與脩國史進直學士院講讀官以端明  
殿學士致仕謚文敏

曹冠字宗臣東陽人居秦檜門下教其孫壻與壻同登  
甲科未幾坐為壻假手事覺奪官易前名復赴廷試仕  
至知彬州所著樂府名燕喜集

呂勝已字季克渭川人嘗為沅州守部使者忌之中以  
事罷歸有別業一洲可五百畝植花竹其上號小渭川  
作渭川行樂詞

姚述堯錢塘人有簫臺公餘詞一卷

湯思退字進之處州人紹興中以縣令試博學宏詞科  
除祕書省正字累官端明殿學士簽書樞密院事進知  
樞密院事拜尚書左僕射淳熙末太學生張觀等上書  
論之謫永州安置

王之望字瞻叔襄陽人後寓台州初以廕補官紹興八  
年登進士第歷官至叅知政事加資政殿大學士出知  
温州尋罷歸有漢濱集六十卷



魏杞字南夫壽春人紹興十二年進士知涇縣召對擢  
太府寺主簿累遷宗正少卿充金國通問使還擢給事  
中同知樞密院事進叅知政事右僕射兼樞密使乾道  
丁亥免官嘉泰中追謚文節

牟獻字獻甫吳興人歷官至大理少卿有陵陽先生集  
王自中字道甫平陽人淳熙中登進士乙科官懷寧主  
簿分水令中書舍人王藺薦其才召對稱旨改籍田令  
遷通判郢州道知光化軍光宗朝召為郎固辭命知信

州再知邵州終知興化軍

丘寔字宗卿江陰軍人隆興元年進士授建康府觀察  
推官光宗立除四川安撫制置使兼知成都府累遷至  
資政殿學士同知樞密院事卒謚文定有文定詞一卷  
姜特立字邦傑麗水人以恩補承信郎淳熙中累遷福  
建路兵馬副都監除閤門舍人充左右春坊光宗即位  
除知閤門事為留正所論奪職寧宗朝拜慶遠軍節度  
使有梅山續稿詞一卷

吳儆字益恭休寧人紹興二十七年登進士調明州鄞  
縣尉歷官奉議郎淳熙初通判邕州任滿入對即擢知  
州事兼廣南西路安撫都監以親老請祠得主管台州  
崇道觀轉朝散郎致仕寶祐中追謚文肅有竹洲集詞  
一卷

趙礪老字渭師東平人娶歐陽懋女以懋待制恩補官  
從范成大使北還擢知臨安府坐事謫饒州有拙菴雜  
著三十卷外集四卷

楊萬里字廷秀吉水人初為零陵丞紹興中登進士光  
宗朝官祕書監出為江東路轉運副使改知贛州請祠  
不出後以寶文閣待制致仕進寶謨閣學士卒贈光祿  
大夫謚文節學者稱為誠齋先生有誠齋樂府一卷  
袁去華字宣卿奉新人紹興乙丑進士知石首縣有適  
齋類稿八卷詞一卷

李處全字粹伯淳熙中歷官至侍御史有晦菴詞一卷  
張震字東父益寧人自號無隱居士有詞一卷紹興中

高宗嘗命陳俊卿擇文士掌內制俊卿以震及范成大對孝宗朝官中書舍人一云嘗為諫官

羅願字端良號存齋歙縣人紹興中以廕補承務郎監臨安新城稅乾道二年登進士第任贛州通判秩滿差知南劔州改知鄂州所著有爾雅翼及鄂州小集

崔與之字正子廣州人紹興四年進士累官祕書監權工部侍郎出知成都府進本路安撫使又為廣東路經略安撫使兼知廣州拜叅知政事右丞相皆力辭以觀

文殿大學士致仕封南海郡公卒謚清獻有詩文集

劉克莊字潛夫號後邨莆田人以廕補潮州倅遷建陽  
令移仙都淳熙中賜同進士出身累官龍圖閣直學士  
出為福建路提點刑獄有詞一卷名後村別調

樓鑄字巨山淳熙中知江陰軍

吳琚字居夫汴人憲聖皇后姪太寧郡王益之子乾道  
九年特授添差臨安府通判歷尚書郎除知明州兼沿  
海制置使尋知鄧州再知慶元府淳熙初直學士院慶

元中以鎮安節度使守建康遷少保卒謚忠惠所著有  
雲壑集

趙彥端字德莊宋宗室乾道淳熙間以直寶文閣知建  
寧府有介菴詞四卷

唐庚字子西睢州丹徒人年十四能詩文紹聖間登進  
士官博士張商英薦其才除提舉京畿常平商英罷亦  
貶惠州有眉山集附詞

管鑑字明仲嘗節鎮嶺表有養拙堂詞一卷

魏子敬有雲谿樂府四卷

甄龍友字雲卿永嘉人紹興中進士官國子監簿嘗遊  
天竺寺集詩句為大士贊書壁間孝宗臨幸賞之詔侍  
臣物色其人召見不稱旨遣還

于國寶臨川人淳熙間入太學嘗遊西湖題風入松詞  
於斷橋酒肆為光堯所見甚加稱賞即日命釋褐有醒  
菴遺珠集十卷一作俞國寶

衛元卿洋州人嘗領鄉薦



李石字知幾資陽人紹興中為學官乾道中為郎歷麾  
節坐論罷有方舟集一云乾道中以薦授太學博士出  
為成都倅

張鎡字功甫號約齋居士西秦人循王俊諸孫官奉議  
郎有玉照堂詞一卷

杜旟字伯高號橋齋金華人呂頤浩門下士兄弟五人  
並有名譽

劉擬字仙倫廬陵人自號招山翁有招山集樂章一卷

一云名仙掄字叔擬

岳珂字肅之號倦翁忠武王飛之孫敷文閣待制霖之  
子官內勸農使知嘉興府厯戶部侍郎淮東總領兼制  
置使所著有程史十五卷及金陀粹編籲天辨誣錄玉  
楮集諸書

程琰字懷古休寧人紹興四年進士知富陽縣厯官翰  
林學士知制誥進寶文閣學士出知福州兼福建路安  
撫使封新安郡侯以端明殿學士致仕卒贈特進少師

系本河北洺川因自號洺川遺民有洺水集詞一卷

王千秋字錫老東平人有審齋詞一卷

程先字傳之休寧人父為團練使以偏師禦金兵於池州殉節死朝議錄其嗣固辭不受隱居東山自號東山隱者所著有東隱集

蘇洵字名叟山陰人有冷然閣集二十卷

關注字子東錢塘人紹興五年進士嘗為湖州教授歷太學博士自號香巖居士有關博士集二十卷

劉圻父字子寰號篁嶧翁遊朱子之門所著有麻沙集  
劉克莊為之序

游次公字子明號西池建安人禮部侍郎操之子范成  
大帥桂林以文章見知叅内幕

姜夔字堯章鄱陽人流寓吳興自號白石道人嘗進樂  
書免解不第而卒有白石詞五卷

劉清夫字靜甫居麻沙

黃師參字子魯號魯菴三山人

章良謨嘉泰中官起居舍人

蔡幼學字行之瑞安人年十八試禮部第一歷官寶謨閣直學士提舉萬壽宮進權兵部尚書兼太子詹事有育德堂集

卓田字稼翁號西山建陽人

蔡桷字堅老號雲壑南城人有雲壑隱居集三卷所著詞名浩歌集

陸域

王嵎字季夸號貴英北海人寄居吳興有北海集二卷  
施乘之號楓溪

王炎字晦叔婺源人登乾道間進士調崇陽主簿張栻  
帥江陵聞其賢檄入幕府秩滿授潭州教授改知臨湘  
縣積官至軍器監中奉大夫賜金紫封婺源縣男所居  
在武水之陽雙溪合流因以自號著有雙溪集

張履信字思順號遊初

周文璞字晉仙號方泉老人淳熙間人

李劉字公甫號梅亭

俞灝

張元祥

羅椅字子遠號澗谷

宋自遜字謙父號壺山南昌人所著樂府名漁樵笛譜

御選歷代詩餘卷一百五

欽定四庫全書薈要卷二萬七百八十四

集部

御選歷代詩餘卷一百六

詞人姓氏

宋

陸游字務觀山陰人以廕補登仕郎歷樞密院編修官  
隆興初賜進士出身五為州別駕范成大帥蜀為參議  
官嘉泰中詔同修國史實錄陞寶章閣待制致仕自號  
放翁追封渭南伯有劔南集詞二卷



陳亮字同甫永康人童幼時即為參政周葵上客隆興  
初婺州以解頭薦上中興五論不報居太學上舍淳熙  
中更名同復詣闕三上書俱不報紹興四年光宗策進  
士親擢為第一授簽書建康府判官廳公事未至官而  
卒端平初賜諡文毅有龍川集詞二卷

劉過字改之襄陽人一云太和人自號龍洲道人嘗客  
辛棄疾幕府有龍洲詞一卷

楊炎號止濟翁廬陵人偃蹇仕進悒悒不得志清海有

山曰西樵嘗寓居其中因取以名集樂府一卷亦名西樵語業

張輯字宗瑞自號東澤鄱陽人受詩法於姜夔長短句二卷名東澤綺語債

謝懋字勉仲有靜寄居士樂章二卷

黃機

劉鎮字叔安南海人嘉泰二年進士自號隨如子著有隨如百詠

危稹字逢吉臨川人淳熙十四年進士調南康軍教授  
歷官著作郎進屯田郎中忤執政出知潮州被論罷職  
久之起知漳州作龍江書院於臨漳臺上後以提舉崇  
禧觀致仕所著有吳齋集

吳禮之字子和錢塘人有順受老人詞五卷

劉光祖字德修簡州人登進士第紹興中官侍御史寧  
宗立改司農少卿遷起居郎韓侂胄嚴道學之禁光祖  
撰涪州學記坐謗訕奪職累起至顯謨閣直學士提舉

西京嵩山崇福宮卒謚文節有霍林詞一卷

閻丘次杲

馬莊父字子嚴建安人自號古洲居士嘗為岳陽守謨  
岳陽志二卷傳於世

劉宰字平國號漫堂金壇人紹熙元年進士調江陵尉  
再調真州司法歷浙東倉司幹官告歸監南嶽廟屢徵  
不起理宗立召為太常寺丞至吳門拜疏竟歸朝廷嘉  
其節卒謚文清著有漫塘集三十卷

李洪字子大廬陵人與弟漳泳詮浙並舉進士著李氏  
花萼集五卷其姪直倫為之序

李漳字子清一作子申

李泳字子永

李詮字子召

李浙字子秀

鄭域字中卿號松牕三山人慶元中隨張貴謨使北著

燕谷剽聞二卷

許棐字忱父海鹽人有梅屋葉及猷醜集俱自為之序  
戴復古字式之天台人家於石屏山下因號石屏有石  
屏集詞一卷

黃銖字子厚自號穀城翁建安人有穀城集朱熹為序  
嚴仁字次山邵武人與同族嚴參嚴羽稱邵武三嚴有  
清江欸乃詞一卷

易祓字彥祥長沙人一云字彥章寧鄉人寧宗朝登進  
士第一累官至禮部尚書有山齋集

趙蕃字昌甫號章泉鄭州人寓信州之玉山以廕補仕  
嘗受學於劉清之清之守衡州乃求監衡州酒庫以卒  
業焉旋乞祠歸理宗朝與劉宰同召不赴景定中追謚  
文節

趙善扛字文鼎宋宗室別號解林居士

毛珩字平仲信安人禮部尚書友之子仕止州倅與尤  
袤友善袤嘗為序其集有樵隱詞一卷

洪咨夔字舜俞於潛人嘉定二年進士初受崔與之辟

判蜀還朝應詔上書忤史彌遠鵠秩理宗親政累遷至  
吏部侍郎兼給事中進刑部尚書拜翰林學士知制誥  
加端明殿學士卒贈兩官著有平齋集詞一卷

趙汝迂字叔午樂清人嘉定中進士僉判雷州以詩忤  
權要謫官

章穎字茂獻臨江軍人淳熙二年試南宮第一歷官禮  
部尚書兼侍讀贈光祿大夫謚文肅

郭應祥字承禧號遜齋臨江軍人嘉定中進士嘗官楚



越間有笑笑詞一卷

陸淞字子逸號雪牕山陰人左丞佃之孫游之從兄弟  
嘗官辰州

盧祖皋字申之永嘉人樓鑰之甥一云本邛州人慶元  
中登進士嘉定中為軍器少監自號蒲江居士有蒲江  
集詞一卷

徐照字道暉自號山民永嘉人與翁卷徐璣趙師秀號  
永嘉四靈有集三卷

高觀國字賓王號竹屋山陰人樂章一卷名竹屋癡語  
高郵陳造序之

史達祖字邦卿汴人有梅溪詞二卷張鑑序之

韓流字仲止號澗泉尚書元吉子有澗泉詩餘一卷

汪莘字叔耕休寧人屏居黃山研窮易義傍究韜鈴釋  
老諸書嘉定中嘗詣闕三上書不報徐誼欲以遺逸薦  
不果築室柳溪自號方壺居士有方壺存稿詞二卷

吳潛字毅夫寧國人嘉定十年進士第一淳祐中叅知

政事拜右丞相兼樞密使進左丞相封慶國公改封許國公景定初為賈似道所陷安置循州卒追贈少師有履齋詩餘二卷

王邁字實之仙游人嘉定十年以第四人登第官教授為鄭清之所知因論事鐫秩歷判外州清之再相召入為右司郎官卒贈司農少卿

李昴英字俊明番禺人寶慶中進士第三人任臨汀推官累官至吏部侍郎謚忠簡有文溪詞一卷一云名昴

英字公昂資州人

史雋之紹定初知江陰軍

章謙亨字牧叔吳興人為鉛山令

趙以夫字用父長樂人端平中知漳州有虛齋樂府二  
卷

姚鏞字希聲自號雪篷為吉州判官以平寇功擢守章  
貢端平初貶衡陽

陳經國嘉禧淳祐間人有龜峰詞一卷

陳從吉字晞顏金壇人舉進士歷知衡饒信三州入直  
祕閣所著有洮湖集

方岳字巨山自號秋崖初門人紹定間鄉薦為別省第  
一登徐元杰榜進士累官至吏部侍郎歷知饒撫袁三  
州加朝散大夫所著有秋崖先生小稿

楊伯嵒字彥瞻號泳齋

周晉字明叔號嘯齋

楊纘字繼翁號守齋

翁孟寅字賓暘號五峰

汪暉字處微績溪人開禧中嘗一至闕下不就舉試而歸棲隱山中結廬曰環谷著有環谷存稿里人私謚曰康範先生

趙汝芄字參晦號霞山

馮去非字可遷號深居南昌人淳祐元年進士嘗幹辦淮東轉運寶祐四年召為宗學諭理宗下詔立石禁三學諸生上書去非不肯書名遂罷歸

陸叡字景思號雲西

蕭泰來字則陽號小山有集

張榘字方叔潤州人有芸牕詞一卷

連久道字可久漢陽人

趙希邁字瑞行號西里

趙崇邁

洪璚字叔璵自號空同詞客有空同詞一卷

趙崇璠字漢宗號白雲

趙希彭字清中號十洲

王澡字身甫寧海人初名津字子知官太常博士有瓦  
全居士詩詞二卷

趙與鉶字慶御號崑崙

樓槃字考甫號曲澗

鍾過字改之號梅心

方千里三衢人有和清真詞

楊澤民樂安人有續和清真詞時人合周邦彥方千里



詞刻之號三英集

尹煥字惟曉號梅津山陰人登進士仕至右司郎官歷  
左司有梅津集

馮取洽字熙之延平人自號雙溪翁

陳以莊字敬叟號月溪建安人有月溪集

盧炳字叔陽自號醜齋有咲堂詞一卷

沈端節字約之吳興人有克齋詞一卷

潘枋字庭堅閩縣人初名公筠夢南臺人持方牛首與

之遂易今名端平二年以第三人及第調鎮南軍節度  
推官歷浙西常平司提舉遷太學正出判潭州有紫岩  
集

馮父子字偉壽號雲月取洽子

黃昇字叔暘號玉林有散花庵詞一卷又輯唐宋諸名  
家樂府為絕妙詞十卷行於世

文及翁字時學號本心緜州人登進士第歷官叅知政  
事

李芸子字耘叟號芳洲昭武人

嚴羽字儀卿邵武人自號滄浪逋客有滄浪集附詞一卷

嚴參字少魯自號三休邵武人

李廷忠字居厚號橘山有樂府一卷

王以寧字周士長沙人歷官宣撫司叅謀制置襄鄧有詞一卷

吳文英字君特號夢牕四明人有夢牕甲乙丙丁稿四

卷二

蔣捷字勝欲義興人德祐進士入元不仕學者稱竹山先生有竹山詞一卷

陳允平字君衡號西麓明州人有日湖漁唱二卷

張樞字斗南號寄閒

李演字廣翁號秋堂

邵博字公濟康節之孫著聞見後錄

趙德仁

御選歷代詩餘卷一百六

欽定四庫全書薈要卷二萬七百八十五

集部

御選歷代詩餘卷一百七

詞人姓氏

宋

周密字公謹濟南人僑居吳興自號弁陽瞽翁又號蕭齋嘗輯南渡以後諸名家樂府為草牕詞選自著有草牕詞二卷一名薈洲漁笛譜

王沂孫字聖與號碧山又號中仙會稽人有碧山樂府

二卷一名花外集

張炎字叔夏循王俊之後西秦人僑居臨安自號樂笑翁著樂府指迷有玉田詞三卷鄭思肖為之序又有白雲詞八卷

歐良有撫掌詞一卷

石孝友字次仲有金谷遺音一卷

孫惟信字季蕃開封人不樂仕進放浪江湖間自號花翁有花翁詞一卷傳於世

劉褒字伯寵一字春卿武夷人登淳熙進士除司門郎中歷官朝請郎知西全州有集

張槃有梅崖集

張桂字惟月號竹山

張林字去非號樗岩

張景臣

潘希白字懷古號漁莊永嘉人寶祐中登第幹辦臨安節制司公事德祐中起為史館檢校不赴



湯恢號西村

張矩字子成有梅淵集

趙耆孫

韓轆

翁元龍字時可號處靜

鄭楷

李肩吾字子我號蠡洲

黃蘭字元易號東浦

陳策字汝賈號南墅

李振祖號中山

薛夢桂

毛珦字元白號吾竹

康仲伯

陳郁字藏一著話腴

覃懷高

趙旭

梅扶字叔茂

丁宥字基重號宏菴

史介翁字吉父號梅屋

周端臣字彥良號葵牕

姚勉號雪坡寶祐元年進士第一有雪坡詞一卷

何光大字謙履號半湖

趙潛字元晉號冰壺

趙淇

楊彥齡

李珏字元輝景定三年進士第一

方有聞字躬明號堂溪歙州人登進士授南豐尉屢遷  
司農丞轉運判官兼廬州帥有堂溪集

利登

曹遵

劉瀾字養源號江村

陳德武三山人有白雪遺音一卷

周格非

陳襲善嘗為河朔掾

權無染

丁義叟

張龍榮

呂直夫

王武子一作子武有詞一卷

趙君舉字子發

王文甫德安人

施芸隱嘗應幕府薦

劉鈞國

樓扶字鵬舉

鄭覺齋

王月山

陳草閣

房舜卿

林正大字敬之號隨菴嘉泰時人著有風雅遺音四卷  
曾揆字舜卿號嬾翁

黃孝邁字德文號雪舟

江開字開之號月湖

文天祥初名雲孫字天祥寶祐乙卯以字貢於鄉遂改  
字宋瑞又字履善吉水人登寶祐四年進士第一歷官  
右丞相兼樞密使加少保封信國公為元兵所執留燕  
三年不屈遇害有文山樂府一卷

汪元量字大有號水雲錢塘人以善琴供奉內廷為琴師隨德祐君赴北留燕久之黃冠南歸往來匡廬彭蠡間有水雲詞一卷

鄧剡字光薦廬陵人一云名光薦字中甫官禮部侍郎從衛王於海上事亟投水為元兵所得張弘範異之待以賓禮終不屈節有中齋集

王鼎翁字炎午安福人太學觀化齋生有梅邊遺集附詞



何夢桂字巖叟初名應祈字申甫淳安人咸淳乙丑省試第一廷試一甲三名授台州軍事判官累官至大理寺卿引疾去至元中屢徵不起築室小酉源自號潛齋有潛齋集詞一卷

梁棟字隆吉其先湘州人生於鄂州後遷鎮江第進士選寶應簿調錢塘仁和尉入帥幕旋避地建上歸武林晚依弟柱於茅山以終

李南金自號三溪冰雪翁第進士

儲泳

徐一初

莫崙字若山

劉辰翁字會孟號須溪廬陵人第進士入元不仕所著  
有須溪集

黃公紹字直翁邵武人咸淳進士元初隱居樵溪著有  
韻會舉要行世

李彭老字商隱號簪房有簪房詞

李萊老字周隱號遯翁彭老之弟有秋崖詞

王億之字景陽號松澗

余桂英字子發號野雲

胡仲弓字希聖號葦杭

尚希尹字革老號畏齋

柴望字仲山號秋堂

朱藻號野逸

黃鑄字晞顏號乙山

王同祖字與之號花洲

王茂孫字景周號梅山

王易簡字理得山陰人

馮應瑞字祥父號友竹

唐藝孫字英發有瑤翠山房稿

呂同老字和甫號紫雲

練恕可字行之越州人

朱鼎孫字令則號萬山

吳大有字有大號松壑

趙崇霄字有得號蓮壑

范晞文字景文號葯莊

鄭斗煥字丙文號松牕

曹良史字之才號梅南

董嗣杲

趙與仁字元父號學舟

趙汝鈞字真卿號月洲

王奕字伯敬號斗山玉山人自號至元逸民有集十二卷梅岩雜咏七卷皆散失僅存東行斐稿三卷

唐珏字玉潛號菊山越州人至元間與林景熙同為採藥之行潛瘞諸陵遺骨樹以冬青謝翱作冬青引紀之汴人袁俊官越延致之為買田宅以給焉

李居仁字師呂號五松

王夢應字靜得攸縣人咸熙中進士調廬陵尉德祐末起兵勤王以義烈著

譚宣子字明之號在菴

陳逢辰字振祖號存義

范端臣字元卿

姚卞

樓采字君亮

沈剛孫

湯彌昌字師言瑞安州判官有碧山類稿

奚倬然字秋崖

趙聞禮字立之有釣月軒詞

趙必瑒官叅軍僉書有秋曉詞

陳紀咸淳進士

陳先

束從周合肥人

李震廬陵人

李銓

史可堂



鄭子玉

施嶽字仲山有梅川詞

宦者

裴湘字楚老仁宗時內官有肯堂集

失名

寇寺丞

陳叅政

杜郎中

德祐太學生

上清蔡真人

于真人

馮全真

乩仙

方外

惠洪字覺範姓喻氏新昌人試經得度與張商英善郭  
天信奏賜寶覺圓明禪師政和初坐交張郭配崖州赦

還著有筠溪集冷齋夜話石門文字禪皆行於世

祖可字正平丹陽人蘇堅之子有惡疾號癩可住廬山與陳師道徐俯謝逸入江西詩社詞名東溪集

揮字仲殊姓張氏安州人嘗舉進士後棄家為僧居杭州吳山寶月寺嘗中蠱食蜜得解東坡因呼為蜜殊詞七卷名寶月集

皎字如晦

葛長庚閩人一云瓊州人自名白玉蟾入武壺山修道

嘉定中徵赴闕館太一宮封紫清明道真人尋別衆於  
霍林羽化有海瑤集詞二卷

閨媛

盧氏天聖中人父為縣令隨之官後歸自漢州過泥溪  
驛題詞壁上

舒氏武弁女適樞密王巖叟弟齊叟以齊叟失禮婦翁  
竟至離絕

魏氏南豐曾布妻紆之母封魯國夫人

蘇氏門下侍郎頌之妹其先同安人徙居潤之丹陽長  
於文翰世稱延安夫人

李清照自號易安居士濟南李格非之女適東武趙挺  
之仲子明誠有漱玉集一卷

阮氏阮逸之女

幼卿宣和中武弁妻隨官陝右題浪淘沙一詞於驛壁  
吳淑姬嫁士人楊子治有詞五卷名陽春白雪

朱淑真錢塘人與曾布妻魏氏為詞友有斷腸集詞一

卷

蔣氏義興人父興祖知陽武縣殉節其女被掠過雄州  
驛題詞壁間一云浙西人

鄭氏名意娘楊思厚妻被擄不辱以節烈稱

珍娘

梁意娘梁瀟湖女適李生

慕容崑卿妻

孫道絢號冲虛居士黃銖之母著詞甚富晚以火燬有

流傳人口者銖復訪求得之手錄以藏云

蟾英諸葛章妻

吳氏鄭禧姬

曹希蘊有咏燈花詞傳於世

孫氏秀州人太學服膺齋上舍鄭文妻

紫竹大觀中人適秀才方喬

王瑩卿蜀人王通判女

王氏妾名飛紅

劉彤字文美適章文虎

陶氏

孫氏建安黃雲軒妻

陸氏姬名美奴陸藻侍兒

陸游妾驛卒之女游之蜀宿一驛中見題壁詞詢知之  
遂納為妾

趙秋官妻有題岐陽郵亭壁詞一首

劉鼎臣妻婺州人鼎臣就省試於行都其妻自製彩花



一枝為贈并侑以鷓鴣天詞

金淑柔寶祐中題詞於臨川驛壁

張淑芳賈似道妾後為尼

章麗真宋宮人隨謝太后入燕有送汪元量南歸詞

金德淑宋宮人後歸章丘李生

妓女

琴操杭州妓後為尼

湘江妓有侑舒亶詞

盼盼瀘南妓

聶勝瓊長安妓後歸李之問

陳鳳儀成都妓

僧兒廣漢妓

平江妓

趙才卿成都妓

嚴蕊字幼芳天台妓後歸一宗子家作妾

朱秋娘

女仙

玉英蓬萊仙人

吳城小龍女黃庭堅登荊州亭見柱間一詞夜夢一女  
子云有感而作庭堅驚悟曰此必吳城小龍女也


赤城韓夫人紹興間都下有一烏衣椎髻女子謔詞九  
闋皆非人世語或紀之以問一道士道士驚曰此赤城  
韓夫人所製水府蔡真君法駕導引也

曹仙姑

衛芳華永嘉滕穆僑居臨安嘗月夜游聚景園遇一女  
鬼自言是衛芳華宋理宗朝故宮人

紫姑乾道中吳興周權知衢州西安縣令術士沈延年  
邀致紫姑神賦牡丹詞限以險韻頃刻而成

御選歷代詩餘卷一百七



總校官庶吉士臣張能照

校對官檢討臣王福清

謄錄監生臣宣葆光